

十一、見報恩人 當願眾生 於佛菩薩 能知恩德

- (一) 發心普被恩：諸佛菩薩。始自發心。普緣眾生。念念皆是。遍法界虛空界。世界海微塵數剎中。一切眾生。為一念心。
- (二) 難行苦行恩：猶如慈母。嚙苦吐甘。捨頭目髓腦。國城妻子。燃燒自己。照耀眾生。難捨能捨。難行能行。
- (三) 一向為他恩：曾無一念。自為於己。猶如慈母。但令子樂。自殺不辭。經云。菩薩所修功德行。不為自己及他人。但以最上智慧心。利益眾生故回向。
- (四) 垂形六道恩：已證寂滅。應受無為之樂。而垂形六道。徧入三塗。長劫救物。入於地獄。以身救贖。一切眾生。
- (五) 隨逐眾生恩：上辨橫徧。今約長劫不捨。如子見父。見父而已。無出離心。如來隨之。如犢逐母。備將萬行。隨逐救攝。如須彌音。徧淨天王。得隨諸眾生。永流轉生死海解脫門。
- (六) 大悲深重恩：見眾生造惡。如割支體。故善財謂無憂德神云。聖者。譬如有人。唯有一子。愛念情至。忽見被人割截支體。其心痛切。不能自安。菩薩亦復如是。見諸眾生。造煩惱業。墮三惡趣。受種種苦。心大憂惱。若見眾生。起身語意三種善業。生

人天趣。喜亦深故。

- (七) 隱勝彰劣恩：佛成正覺。隱其勝往。經云。十蓮華藏塵數相。海滴難稱。無盡之往。並隱不彰。但云。百劫修成。三十二相。三十四心。斷見修惑。五分法身。覺身初圓。如老比丘。同五羅漢。故法華經中。脫珍御服。著弊垢衣。執除糞器。往到子所。
- (八) 隱實施權恩：圓頓一乘。隱而不說。乃以三乘人天小法。教化眾生。淨名經中。諸菩薩問維摩詰。今世尊以何說法。維摩答言。此土眾生。剛強難化。故佛為說剛強之語。以調伏之。言是地獄。是畜生。是餓鬼。是諸難處。是愚人行。是身邪行。是身邪行報等。乃云。如是剛強難化眾生。故以一切苦切之言。乃可入律。彼諸菩薩聞說是已。皆曰。未曾有也。如世尊隱其無量自在之力。乃以貧所樂法。度脫眾生。諸菩薩亦能勞謙。以無量大悲。生是佛土。
- (九) 示滅生善恩：法華云。若佛久住於世。薄福之人。不眾善根。貧窮下賤。貪著五欲人於憶想妄見網中。若見如來常住不滅。便起憍恣。而懷厭惡。不能生難遭之想。恭敬之心。是故如來以方便說。比丘當知。諸佛出世。難可值遇。乃至云。斯眾生等聞知如是語。必當生難遭之想。心懷戀慕。渴望於佛。

便種善根。

- (十) 悲念無盡恩：謂世尊同人中壽。應壽百年。留二十年福。以庇末法弟子。大集經云。悲憫眾生故。捨壽第三分。令我法海滿洗浴。諸天人假使毀禁戒。悉住不退地。若有搗打彼。即為打我身。若有辱罵者。則為毀辱我。又云。留白毫之福。以覆弟子。言留教者。